

JU Zavod za bolesti i ovisnosti Kantona Sarajevo, sa sjedištem u Nahorevskoj br. 173, 71000 Sarajevo, zastupano po direktoru Doc. dr sci med. Rasema Okić (u daljem tekstu: Zavod) i

JU Terapijska zajednica – Kampus Kantona Sarajevo, sa sjedištem u ul. Iznad sela Kešelji bb, Rakovica, 71000 Sarajevo, zastupan po direktoru mr. oec. Hase Tirić (u daljem tekstu: TZ Kampus)

zaključili su dana 27.07.2022 2022. godine

PROTOKOL O STRUČNOJ SARADNJI

I OPŠTE ODREDBE

JU Zavod za bolesti ovisnosti Kantona Sarajevo (u daljem tekstu: Zavod) je zdravstveno-socijalna ustanova sa višedecenijskom tradicijom postojanja. Rad na prevenciji, ranom otkrivanju, liječenju i rehabilitaciji ovisnika o alkoholu i drugim psihoaktivnim supstancama provodi se u kontinuitetu još od osnivanja ove ustanove 1977. godine. Sa otvaranjem Odjeljenja za narkomaniju, od septembra 2000. godine Odlukom Vlade Kantona Sarajevo, rekonstruiše se u JU Zavod za alkoholizam i druge toksikomanije KS. Djelatnost Zavoda je vezana za sva tri nivoa prevencije sa naglaskom na specijalističko-konsultativnu zdravstvenu zaštitu, sa posebnim fokusom na saradnju sa zdravstvenim ustanovama svih nivoa zdravstvene zaštite, nezdravstvenim institucijama koje imaju za to poseban interes (prosvjetno – pedagoški zavodi, visokoškolske ustanove, centri za socijalni rad, nevladine organizacije i udruženja građana i roditelja). Odlukom o preuzimanju prava i obaveza osnivača i usklađivanja organizacije poslovanja 2014. godine, JU Zavod za alkoholizam i dr. toksikomanije KS dobiva novi naziv „JU Zavod za bolesti ovisnosti Kantona Sarajevo“.

JU Terapijsku zajednicu – Kampus Kantona Sarajevo osnovala je Skupština Kantona Sarajevo 2003. godine, a prvi korisnici su primljeni 1.7.2007. godine. Ovo je prva terapijska zajednica u Bosni i Hercegovini iza koje, kao utemeljitelj, stoji država. Cjelokupni tretman u Kampusu sastoji se od rezidencijalnog i nerezidencijalnog dijela. Rezidencijalni dio tretmana okvirno traje 12 mjeseci i sastoji se od tri faze. u Narednom periodu planirano je da Kampus bude ustanova za izvršenje sigurnosne mjere obaveznog liječenja od ovisnosti.

II SARADNJA UGOVORENIH STRANA

Član 1.

- (1) Predmet ovog protokola je stručna saradnja vezana za djelatnost kojom se Zavod i TZ Kampus bave, a treba da se provodi u duhu uzajamnog poštovanja i tolerancije.
- (2) Strane su saglasne da međusobno usko saraduju u smislu pružanja zdravstvenih usluga ovisnicima o psihoaktivnim supstancama kao i usluga podrške programu rehabilitacije i

resocijalizacije sa ciljem postizanja dugoročne apstinencije i ostvarivanja što boljeg kvaliteta života.

(3) Stručni tim Odjeljenja za narkomaniju identificirat će pacijente koji su motivisani za odlazak u TZ Kampus i istima omogućiti razgovor sa predstavnicima istih.

(4) Ugovorne strane se obavezuju da će poštivati princip zaštite personalnih podataka u skladu sa Zakonom o zaštiti osoba sa duševnim smetnjama i Zakonom o zaštiti ličnih podataka.

(5) TZ Kampus i Zavod se obavezuju da će odgovarati na sve pozive vezane za tretman pacijenata, a posebno u slučaju recidiva, psihičkog pogoršanja ili drugih problema.

(6) Dogovoren je termin za održavanje sastanaka (grupa) koji će se održavati **svaki prvi ponedjeljak u mjesecu od 14:00 h do 15:00h.**

(7) Na grupi prisustvuje dipl. soc. radnik ispred Zavoda i dva ovlaštena predstavnika TZ Kampus KS.

(8) Održavanje zajedničkih sastanaka svakih šest (6) mjeseci.

III OBAVEZE ZAVODA

Član 2.

(1) Zavod će omogućiti vrijeme i prostor za grupni rad ovlaštenih predstavnika TZ Kampus sa pacijentima u toku hospitalizacije jedanput mjesečno uz obavezno prisustvo dipl. soc. radnika.

(2) Zavod će omogućiti vrijeme i prostor za individualni rad ovlaštenih predstavnika TZ Kampus u toku hospitalizacije, a prema procjeni stručnog tima Zavoda.

(3) Zavod se obavezuje da će informisati i motivisati pacijente prema procjeni stručnog tima za nastavak procesa rehabilitacije u udruženju.

(4) Zavod se obavezuje da će na Odsjeku za OST omogućiti ovlaštenim predstavnicima TZ Kampus svaki drugi četvrtak od 09:00 h do 11:00 h rad sa ovisnicima i njihovim porodicama (dan otvorenih vrata).

IV OBAVEZE

Član 3.

(1) Ovlašteni predstavnici TZ Kampus se obavezuju da aktivno participiraju u toku predhospitalne pripreme i rehabilitacije.

(2) Obavezuju se da se pridržavaju datih tema.

(3) Dužni su dostaviti imena ovlaštenih predstavnika i pri svakom dolasku istog, usmeno obavijestiti predstavnika Zavoda.

(4) Obavezuju se da jedanput u mjesecu usmeno izvještavaju predstavnika Zavoda o trenutnom stanju pacijenata koji su upućeni putem naše ustanove, a svakih šest (6) mjeseci pismeno (elektronski) dostaviti izvještaj o pacijentima.

V ZAVRŠNE ODREDBE

Član 4.

Protokol može prestati u svako vrijeme saglasnošću ugovornih strana.

Član 5.

Sve nesuglasice će se rješavati u okviru postojeće pravne regulative i u duhu tolerancije i razumijevanja.

Član 6.


Protokol je sačinjen u dva (2) istovjetna primjerka, od kojih svaka strana zadržava po jedan primjerak.


**Za JU Terapijska zajednica –
Kampus Kantona Sarajevo
direktor**
[Redacted signature]
mr. doc. Hase Tiric

Broj: 31-01-01-786/22

Sarajevo, 27.07.2022.

**Za JU Zavod za bolesti i ovisnosti
Kantona Sarajevo**


[Redacted signature]
doc. dr. med sci. Rasema Okić

Broj: 0706/5/1335/22

Sarajevo, 02.08.2022.